

## 1 TIMOTI

Timoti siya ta yaiwin kibiya siir apua Yunis mi siir wai aeya Lois sowa boinmimauugo. Mi siya Jisis siiram ha naingwo tibmiiyin mi ini Adi Komii siirgisiir yai aiirrarar wakaeyokna apiskiyin. Timoti siirin Pol siya yimbin saika namim iki om nhirim simiir Krais siir yaiwin kibiya sair hainamim. Mi mhoiyya Timoti siya iikamim naingwo tibmiiyim om Efesas hiranim simiir pasta nwowin mi Pol siya ta yokwowa ha wlinka Timoti siiramin, siir kirie haiginiuwim Jisis siir siyu iir napim. Mi siya siirin siyuun iikamim naingwo tibmiiyim simiir kigriraowiyin siir warar boinmimauugi. Iriig.

<sup>1</sup> Kara Polkin ta yokwowa kara wlinka, Adi Komiiyin inkam ninimniski haiyin mi Krais Jisis ti inkam in krema nwokwokinin nynomor koua hiriir nikunamam, sowanii nimbingin kariirin, Jisis Krais siir aposel inkam nwowam. <sup>2</sup> Kara ta yokwowa Timoti kiriiram win hauugika. Kira Adi Komii siirim naingwo tibmiigin mi kira kariir yinismnan asi nwokin. Kara minam naingwowi, Adi Komii kremiir Wanin mi Krais Jisis kremiir Biyan Inkam Komiiyin siir naingwobumbuwa mi siir naingwoiyoka mi siir siyuun iwa inan kaikpimpitiyin wi kiriir hauugi. Iriig.

### *Krema niksise siyuun siir kipi nonkwo*

<sup>3</sup> Biya iiya kara kiriir haiburgigin mi ha namin nu Masedonia hiriirin, kara kiriirar nik boingigin, kira om Efesas tirar dwo. Mi inkam

nhirim dikmiininkin, sima ti siyu hiriinanın sima niksisaeyin Adi Komii siir yai aiir mi siir ditkigi. <sup>4</sup> Kira simiir boin sima wanmi niwiyyim simiir kipi whasprigin mi yidiwi wanwiyaeyim simiir inigim kipi nokdapyokiyokii. Mi ti hiriinan yaiyim, simiirin Adi Komii siiram naingwo tibmiiyim wi saeya whindiriraerar tani. <sup>5</sup> Taka yaiya saiir yaimwowa kara kiriir boinmauwua, kiriir naingwo tibmiiya saiir kirie haiginuwam boinmauuga. Mi kiriir mhii kwoinim rirmiiya nwowi dimin whirki nitki karam nwowi mi kiriir naingwo tibmiiya iripi hiriinan kiriyea mi owi. Mi kira wi iikam whiekakim simiramar naingwo ırkaki. <sup>6</sup> Mi iikam nhirim siyu whira namim sima in Adi Komii siir siyu iiiram yaowhriewhrieyim yaiyim sima boiniyim, hindara priboin priboini. <sup>7</sup> Mi sima Adi Komii siirin siirimar naingwokwokim siir boinmimauwim. Mi simiir kwoinim nidiidgak bi nwokim. Sima ha naingwokim sima bidi yinokninkinim ta yai aiirin. Mi yim sima bi ninokninkinkim.

<sup>8</sup> Krıma dinokninkin Adi Komii siir siyuim krımiir nıisiimauu apiyim mi krıma ti hiriinan siyu iiir tırı wi wadieyar nwowi. <sup>9</sup> Mi tiki siyu hiriinanın krıma timi ninokninkin, tiki siyuin kam miyıkım simiir tani. Nıngaka. Yio hiriinan siyuin kamım yaowae budieyim simiir yai nanugau-gauwiyyim simiirgin. Mi kamım digiumii Adi Komii siir mi haimriiyugigiyim mi siyu biyie tıriyyim simiirgin. Mi dimin biyieyim nu tır nwowiyim mi yopii ad nısom som aokaowiyim mi inkam nwırni mi isom aokiyim. <sup>10</sup> Mi hii min mi nanaeyim mi

inkamın inkam nwirnaka nanaeyin hii mi wigkam yinisisim mi tauae hainami ikim. Mi niksisae mi siir yai aiir priiboin priiboiniyin mi sima siyiumwokisiyiumwowin saika ninii nansaokim. **11** Mi takı yaimwokiyaimwowa ini ta yai win kibiya saiir hiriinan ywowa krıma Adi Komii siirim maırgimaırğa ta yai win kibiya kariirin siyar hauugika inkam nhırim simiir boınmamauwıim. Iriig.

*Pol siya Adi Komii siir boın wadiekikin siya siirsi naıngwoyimyokin*

**12** Krımiir Biyan Inkam Komii Krais Jisis siir kirieya kariir hauugikin mi Jisis siya ina yaıngwokiyin kariir mii aiir mirii siya wi digar nwwowi. Mi siya nokmwıin okwokin taka mii aiirin mi kara hiriinansi boın wadiekikin siirin. **13** Biya kara siir inigin sirar nikı boınbumbu haiginiugın. Mi kara iikamım Adi Komii siirim naıngwo tıbmiiyım, simiirin kara nikı ipimparkım. Mi kara Jisis siir yai akar mi antamyiriyırkin mi kara siirin bıri sıbgu ninokninkin. Kara tiki hiriinan siyu iiir asi tırkin. Adi Komii siirimin bıri nikı aıngwo tıbmıigın niınga nikı okin. Mi siya kariirsi asi naıngwoyimyokin. **14** Biyan Inkam Komiiyin siya kariirsi naıngwobumbunanaekin. Mi Jisis Krais siir kirie aeya dirıraerkikin kariirin mi kara siiramın asi naıngwo tıbmii. Mi kariir kwoınin iki inkam nhırim simiirim asi mi naıngwokowi. **15** Mi Krais Jisis siya nua tıriir niuunikin iikam biyieyım simiir niniskii hainakikin. Mi ta yaiya kaimwo kiınga mi krıma saiirim daıngwo tıbmii kiin. Mi karargin inkamın siyu biyie tıriyin

simiir biiyan inkamin. <sup>16</sup> Adi Komii siir kwoin'in hiniina naingwokin, siir naingwoyimiyoka biiyan kariir tiriir wimbini. Mi kara aknainan nwoki iisiimauuwi Jisis siirin inkam miounan, iikamim simiir whwonkam ida mi mhoiyya sima naingwo tibmii mi kwoinbudin omwai waiyayokiyokiyyin siirin wa haii. <sup>17</sup> Mi Inkam Komiiyin digworaekwo whiekakim simiir kigriraowiyin iinokiiinoka nwoyokiyokiig'in mi siya bi naowikin. Niingaka. Mi siirin inkamki bi kigikin mi siyaki siyairgin, Adi Komiiyin. Mi siir inig komii mi siir namnamin ieza wi hiriinanar nwoyokiyokiikaeyami. Iriig.

<sup>18</sup> Timoti siya kariir yinisminkin biiya profet kamim sima boina kiriir mi aiir. Mi kara kiriirar boinanae ta yai aiir mi kira profet kamim simiir yai aiir daingworinu. Mi kira kamim Jisis Krais saikar nwowiyim sau simaka sibgu okworinu init. <sup>19</sup> Mi kiriir naingwo tibmiiya kirie dwo mi kiriir kwoin'in dimin whirkin nitkii karam nwowi wi rirmiyya nwoki owim. Mi kam nhirim simiir kwoinim iripi hiriinan rirmiyya mi inkin owim. Mi ini sima yitkiigiyim mi simiir naingwo tibmiiya asi nikiigika. <sup>20</sup> Mi Haimenias mi Aleksanda sowa hiniina tirko. Kara sowiirin yai karameka sowa Setan siaramar timi am, sowiirar kwoinkin. Mi sowa tiki hiriinan siyiui, siir nwoki ninokninkini. Sowa mhoiyya wi Adi Komii siir nigbumbu haiginiu rani. Iriig.

## 2

### *Nhwo kwisboini siyiugin*

<sup>1</sup> Kara kiriirin minam srii kima iikamim naingwo tibmiiyim Adi Komii kriniir Wanin

siiram sriigi iikam nhirim simiiram. Ta hiriinan kima srinanaeya hiriinana srinanae kipi sripi piyao, kimiir kwoinin saika damasukikin. Mi ta kima sriiya kima Biyan Inkam Komii siir warar boin wadieki. <sup>2</sup> Mi inkam komii nu kigriraowiyin simiiram wara timi srii. Mi inkam komii komii gavman ikim mi krima whiekakarin wi nwoki ongwomamair aeyim. Mi krimiir kwoinin wi hiinsima nwoki owim. Mi sima krimiir kigi mi sima wa nwoki aingwowitz krimiir iga hinda tinda bi nokwowika. <sup>3</sup> Mi taka hiriinan sriiya, Adi Komii siya wi ogmwo mir karam nwoki. <sup>4</sup> Adi Komii inkamin krimiir nanmaiwarkainan siya hinianam naingwowi iikam whiekakim krimiirin siya nammaiwarkainam. Mi siya hinianam naingwowi krima siir yaimwokiyaimwo aiir ninokninkinim. <sup>5</sup> Adi Komii nwirkinwiruwaigin mi Inkam Komii krimiir kaoprigi okwowyiyin Adi Komii siiram namim, iripi hiriinan nwiruwargin, siya ti inkamin Jisis Krais siyaargin. <sup>6</sup> Krais siirar kwoinkin, siya naowama mi aingwokin. Mi iikam whiekakim simiirin wi siyar nammaiwarkainaei. Ti hiriirnan siyuin Adi Komii siir kwoin ieyargin, ti krimiir nisisimauuwin, iikam whiekakim simiir nanmaiwarkainam. Mi iikam whiekakim wi hindara nwoki priyokaeyamim. Taka iiya Adi Komii siyar nimbinga krimiir nanmaiwarkainam. <sup>7</sup> Adi Komii siya nimbingin kariirin aposel inkam nwowim, siir yaiya sair boinmimauuim. Mi iikamim Juda iikam tani simiir nini owomwarkai haiginiuim, ta yaiya sair yaimwokiyaimwowa. Adi Komii siirim naingwo tibmiyyin siyuin siir. Taka yaiya kaimwoka, kara niksise rani, siyar

nimbingin.

**8** Kara ha naingwowi, omom omoman kamim sima Adi Komii siirim sriinanaei. Mi iiya simiir iina koua ninkigi Adi Komii siiram sriiyim mi simiir iina ti haiyaprapraski. Mi simiir mhii kwoinim rirmiiya dwo, dimin whirki kipi nitki mi kwoin in haugihaugi whiyie. Mi ninkin wamwarkii boini yo ti hiniin dimino wara kipi nwokai mhii kwoinauin. Iriig.

**9** Kara ha naingwowi wig sima yiuisim sibgu ii mi wi nwoki sibgu kigtidwokiyim. Mi simiir kana piuaipai piuaipai kipi hopyok. Mi mikinpai mikinpaiyim hirii kipi mi diyankii mwaomwan. Mi yiuisa umir komii sainiya saiir kipi mi sain.

**10** Kima sibgu mirii. Minsika iikam nhirim simiir in nwokt iisiisiimauuwi. Mi yipiki wigim naingwo tibmii mi Adi Komii siir inig iir hainani, yio siyu wadie ieya. Mi tiki hiriinan miyyim yim wig simiir piuai miyyik ima.

**11** Mi wig sima, simamar kipi naingwona, sima kam simiir aowa dwo. Mi sima yaimin diminim wara kipi nombobo in, hindara dinkin tan, pi nwoki wakae ninokninkinim iiya sima Adi Komii siir inig hainaniya siir omaka hirin.

**12** Kara hiniinam naingwo rani, wig sima yai kam simiir boinmamaauim mi bii sima nwowim. Niingaka. Sima hindara dinkin tan.

**13** Tiki siyu in hiriinan dimusi bi tirkin. Adi Komii siya bii Adam siir nonkwokwokin mi mhoiyya Iv saoir yonkwokwo.

**14** Setan siya Adam siir kwoin iir bi nikpitmaigin. Niingaka. Siya wig saoir kwoin iir nikpitmaigin mi saeya dimin biyie asi tirkia.

**15** Wig sima wi simiir miyya yinisim naokainaesiya, yim wi sairar tir. Mi sima ha daingwo tibmii mi sima

iikamim simiiramin ha timi aingwokwonanae. Mi simiir iga hinda tinda kipi nokwo sima sibgu dwoipisu. Mi sima hiriinan tiri mi simiirin wi Adi Komii siya nanmaiwarkainaei.

### 3

*Inkam Komiiyin iikamim naingwo tibmiiyim simiir kigriraoiyin siir yaiga*

<sup>1</sup> Taka yaiya kaimwoka. Mi inkamin taka Adi Komii kr̄imiir Wanin siir m̄iya saiir bii nwowam naingwoi mi ta m̄iya siya miriiyam naingwowa mii wadie aeyaarga. <sup>2</sup> Mi inkamin iikamim naingwo tibmiiyim simiir bii nwowyiin siya sibgu dwowipisu iga hinda tinda kipi nokwo. Minsika, sima siir kipi boin h̄iuriyiu. Mi siya wig iruan nonkwonan inkam dwo. Mi siir kwoinin sibgu daingwo omok mi siya siir nhie aiir kipi nikrip. Mi inkamin siiram namiyin, siya siirin io nhwo kipi nanaowin mi siya inkam nokwo boinmimauwan inkam wadie dwo. <sup>3</sup> Mi siya op kipi kwiyae whaowae mi siir kwoinin haugihauga asiima kipi whiyie. Siya iwa inan dwo hinda kaikpimpit. Mi siya umiram kipi naingwokwonanae. <sup>4</sup> Mi siya siir wigyinim simiirin siyar sibgu kigrirao mi siya siir yinisim imiirin sibgu siiboboiniu haiginiu. Mi sima wi nwoki wakaeyoknam siir yai aiirin. <sup>5</sup> Mi siya siir wigyinim simiir sibgu kigrirao karam nwowi mi siya iikamim naingwo tibmiiyim simiirin, wi Adi Komii siir omaka hir kigrirao rani. Niingaka. <sup>6</sup> Mi inkamin yaeya kinkak naingwo tibmiiyin, biiyan inkam siya kipi nwo siya wi siyamar pi naingwonaesi Setan siya mirii ikiya siir hiriinan.

**7** Mi ti inkamin siir siyiuin iikamim naingwo tibmii karam nwowiyim simiir whwonkam ida sibgu dap. Mi siya sibgu nap karam nnowi mi siirin wi Setan siya nanmaiwarkainae. Iriig.

*Inkam komii komiiyim iikamim naingwo tibmiiyim simiir kigriraowiyim simiir boinkika ta yaiya*

**8** Inkam komii komiiyim iikamim naingwo tibmiiyim simiir kigriraowiyim, yim sima iripi hiriinan iga hinda tinda kipi nokwo. Mi sima kipi mi gie mi sima opa kwiyae whaowaeiya saiir kipi kwiyae mi sima umiram kipi mi aingwokwonanae. **9** Mi simiir mhii kwoinim rirmiiya dwo mi sima daingwo tibmiikikin Adi Komii siir yai aiirim. Biya saeya bi nhinkiiga mi tariinanin saeya bidi nhinkiigya. **10** Mi kira simiirin tiki kigoki sima dig nnowi mi kira simiirin wi hainii dokmwin okwo haiginiu inkam komii komii, iikamim naingwo tibmiiyim simiir kigriraowamin. **11** Mi simiir wigim iripi hiriinan simiir kwoinim sibgu daingwo omok. Mi simiir iga hinda tinda kipi mi okwo mi sima kipi mi inkimikna mi simiir kwoinim sibgu dwo mi miiminim gwomaирgwomair kipi mirii. **12** Mi tiki inkam komiiyim iikamim naingwo tibmiiyim simiir kigriraowiyim, sima wiga irkiiruar donkwona. Mi simiir wigyinim simiirin simar sibgu kigrirao. **13** Mi tiki kamim simiir miiya sibgu mirii mi iikamim sima wi simiir yai aiir wakaeyoknaei. Mi sima wi nidid rani, Krais Jisis siirim naingwo tibmiiya yaiya saiir nokwo boinkimauuwim. Iriig.

*Adi Komii siir siyiuin siir yaimwo aeya*

<sup>14</sup> Hiya kara ta yokwowa kiriirim winkiyin mi kariir kwoinin ini wiini hanina sargiyin, kiriir nini kigsisauniyamin. <sup>15</sup> Kara kiriirin yokwoni asi win hauugikin kariirin wi dimin whirkin mi ipiyaokiiisi kiriir kignakiyamin. Mi kira wi ta yokwo aiarar nwoki kig ninokninkinim siyiuin Adi Komii siir isidin sima taram naingwowiyin. Sima Adi Komiiyin yai minar nombobo niyin siir isidgin mi sima ini ti iikamim Adi Komii siir yaimwokiyaimwowa saiir humii digim dig nwo rani, saeya ini komigikomii ywowa. Inkamki saiir nikwowa siiyim wi dig nwo rani. Ningakiniingaka.

Biiya saeya Adi Komii saikar nwoka mi mhoiiya saeya ini inkam kinar yimbiyama nu tirin mi ina nhinkigiyi. Adi Komii siir naeyiuin siyar nhinkigikin ti inkamin dimin whirki kimbu karam nwowiyin. Mi Adi Komii siir paekwosim sima kigi siirin mi sima siirin ina boinmimauuwamim iki nu komii komiiyim hinda tindanim simiirin. Mi hinda tindan iikamim sima ina yaingwo tibmiigiyim siirim. Mi siirin Adi Komii krimiir Wanin siyar swoki ikuuna ninomor koua hiriir. Mi siya kou hirin ini namnamiinan ywowin, ini hindara wokiirimtiowin. Taka yaiya krima boinkiya, Jisis Krais siirga. Iriig.

## 4

*Taka yaiya kamim niksisaeiyim simiirga*

<sup>1</sup> Adi Komii siir naeyiuin siya bidi boinkiiigiyin. Mhoiiyak i niuwi inkam nhirim sima wi ta yaimwowa, wi saiir nonkworinu rani. Mi sima wi uridyiu biyieyin, wi siir yai aiir sibgu wakaeyoknaei. <sup>2</sup> Mi kamim priiyiksasaeyim yaiyim whwonkam sima ninkigii boiniyim mi sima inokinokin simiir simiirar tirninaeikim. Mi simiir mhii kwoinim paniiinsi hircisi. Niingaka. <sup>3</sup> Mi tiki kamim niksisaeiyim krимиirin wi sima nikiduwi wig nonkwonasiyin. Mi sima nae nhirim wi krимиir nikiduwi krимa mi aeisi. Mi Adi Komii siyar nonkwokwokiyim ti nae digworaekwowim iikamim ta yaimwo aiirim naengwo tibmiyyim sima wi hiriayar dae. Mi Adi Komii siirin wa boin wadieki. <sup>4</sup> Krимa dinokninkin, tiki digworaekwo whiekakim Adi Komii siyar nonkwokwokiyim, ini wadiekinar ywoswowim. Mi krимa simiirin kipi borisop. Krимa Adi Komii siir boin wadieki. Mi ha dae. <sup>5</sup> Adi Komii siya bidi boinkiyin, tiki naeyim, nae wadiekim. Mi krима sriiboinkiya ti nae imiiram mi ti naeyim dimin whirki bi kimbusim. Iriig.

*Timoti siya Krais siir mi sibgu miriyan inkam kibi dwo*

<sup>6</sup> Mi kira ta yaiya iikamim naengwo tibmiyyim simiir boinmimauuwi mi kira wi Krais Jisis siir miiyan inkam kibi nwowi. Tariigina ya simiir niisiimauuwi, kira wakaeyoknae saiir mi kira naengwo tibmiikkina Krais Jisis siirim. Mi ti hiriinan siyuin kira tiriin yio naenan kiriir

hauu aekimkodu haiginiuwi. <sup>7</sup> Niwiiyim inkam adiyaowaeyim sima whasiyim, sima hinda priiwhas ninkikinae. Mi kira hiriinan niwiiyim simiir kipi wakae. Mi kira Adi Komii siir miiya sair miriinanae mi kiriir naingwo tibmiiya wi kirie nwoki owi. <sup>8</sup> Kira bidi yinokninkin in iiya kira mii kinan whomwho miriyyim kiriir piau pi nhinmi saeya kinhaiginiuwi ti hiriinan siyuin, yio siyu wadie ieya mi kira Adi Komii siir miiya hiriinan miriinanae mi kira ti nu iirin wi wadieyar sibgu owi. Mi mhoiyya kira ninomor kou hirin wi hiriayar mi owi. <sup>9</sup> Taka yaiya kaimwoka iikam whiekakim wi saiirim naingwo tibmii. <sup>10</sup> Krima minam kaokaigii Adi Komiiyin yai minar nomboinomokiyin siirim. Siya ti inkamin iikamim naingwo tibmiiyim simiir nanmaiwarkainaeikin. Mi siya iikam whiekakim simiirin wara mi anmaiwarkainamar mi aingwowi. Tiki siyaargin miihi hanin kima miriinanaeyin. <sup>11</sup> Kira simiirin wi dikmiininkin haiginiu mi simiirin wa timi owomwarkai haiginiu. Mi sima wi nwoki wakaeyoknam. <sup>12</sup> Mi sima kiriirin wi whranisimar kigi mi sima wi hiniin kipi naingwo, kira whranisim niingakin. Niingaka. Iikamim naingwo tibmiiyim simiirin siyu miyik kira diisiimauu mi kiriir yaiya yai biyie whir kipi boin mi kiriir siyuin rirmiiya dwo mi kira nongwomamaир aeyan inkam dwo mi kiriir kwoinin, simiiram ha daengwokwonanae. Mi ti digworaekwo whiekakim sibgu donkworinu kira mi kiriir mhii kwoinim rirmiigirirmiiya dwokai. <sup>13</sup> Mi iiya kara nitana, kira wi ta mii airar mriikwokin, Yokwo Komii mwainiya sair.

Mi simiirin wa boinmimauu ta yai aiirin mi wa dowomwarkaiyiu haiginiu. <sup>14</sup> Mi diminin Adi Komii siir naeyiuin siya prihauugiyin kiriir mi kira siirin nonkwonanaomainan kipi nwo. Biya profet kamim sima boinkiya, ti dimin Adi Komii siir naeyiuin siya prihauugigin, kiriir mii aiirsi. Mi inkam adiyaowaeyim siyiu kigriraowiyim, simiir iinim kiriirin minam nokmwini onkwokim ta mii aiiram nokmwini okwo haiginiugim. Mi sairin kira nwoki onkworinuwi. <sup>15</sup> Mi kiriir kwoinin ta miiya sairar hirirukripkai. Mi sima wi kiriir mii aiirar kigi ina namyokiyokiya. Mi saeya wi uridgi nitki rani. Niingaka. <sup>16</sup> Mi kira kiriir piu aiirsayar sibgu haiya mi diminin kira nowomwarkaiyiuwiyin iikam simiir yio kaimwowar dwo. Mi kira hirii hiriya boinmimauuyokiyokiyyam. Mi kiriirin wi Adi Komii krimiir Wanin siya nanmaiwarkainae. Mi iikam nhirim kiriir yai wakaeyoknam, simiirin iripi hiriinan. Iriig.

## 5

### *Siyiuin inkam siboboiniu haiginiuwiyin*

<sup>1</sup> Mi kira inkam adiyaowaeyin siir kipi nikwao boin. Niingaka. Mi kira siirin hiinsima boin kira boiniya kiriir adin siir hiinsima mi sair hiriinan. <sup>2</sup> Mi kira whranisisimim simiirin sibgu siboboiniu haiginiu kira siboboiniu haiginiuwiyia sair hiriinan, kira wig adiyaowaeyim simiirin yaeya siyiu kipi swoki tir hiriinan siyiu iirar swoki tir, kiriir yopuwai biyeya sair tiri siyiuin siir hiriinan. Mi kira wig kopak mwigakim simiirin ti hiriinan siyiu kaimwowin kiriir yokmana sair

siboboiniuwiyin mi siir hiriinanar swoki tir,  
yaeya siyu kipi tir. Mi kiriir kwoinin simiiramin  
rirmiiyar dwo, dimin whirki kipi kinyiskaigi. Iriig.

<sup>3</sup> Mi kima iikamim naingwo tibmiiyim mi kima  
wig igibae niinggaim ad pomou karamaeyim,  
simiirin sibgu kigrirao. <sup>4</sup> Mi saeya yinismi mi  
namoukakiniuwi mi sima saiirin wi sibgu kigrirao,  
biiya saeya niki imiiyae whrokwhrokmaiya saiir  
hiriinan. Mi iikamim naingwo tibmiiyim Adi  
Komii siirim, sima ti hiriinan siyu iiir sibgu  
onkworinu. Mi Adi Komii siya wi ogmwomir  
karam nwoki. <sup>5</sup> Mi wig igibaeza ad pomou  
karamaeya saiir kwoinin Adi Komii siiraramar  
bidi yaingwo iskiya mi saeya ina naingwowa Adi  
Komii siya wa hauuwi. Mi saeya nii nabie pa  
srinanae, Adi Komii siya saiir kigriraowim. <sup>6</sup> Mi  
wig igabaeza iga saiira hinda tinda nokwoyiya  
mi nae min saiir kipi nikop hauu ae. Saeya ini  
naoni piunan ywowa. <sup>7</sup> Mi kira simiirin igaokak  
dwoki ti siyu hiriinan iiiram. Mi sima wi boin  
hiuriyu rani, simiirin. Mi iikamim naingwo  
tibmiiyim sima nwoki inokninkini, siyuin wig  
igibae kigriraowiyin. Mi sima wig igibaezym  
mi sima, simiirin wi iripa hiuwiyopmasu rani.  
Mi sima wi ntidid rani. Niingaka. Mi simiir iga  
wi hinda tinda nokwo rani. <sup>8</sup> Mi inkamin siir  
piugan aiir nikop hauu ae karam nwowi, yio siyu  
miiyik rani. Mi inkamin siurgisiir wig yinim simiir  
whinmininae karam nwowi, yio ti hiriinan siyuin  
siyu miiyiki miiyik rani. Yio hiriinan inkamin Adi  
Komii siir yaiya digiumii saiir haimriyugigi. Mi  
inkamin naingwo tibmii karam nwowyiyin, yio ini  
inkam biyie ywowin. Mi inkamin ti hiriinan siyu

iiir tiriycin yio siyiu miiyiki miiyik rani, ini wranan ywowin. Siya ini ti inkamin naingwo tibmii karam nwowin, ini siir haiburin.

**9** Mi wig igibaeya biewiyim kam nwoima nwoki, 60 mi saeya kam nwiruwaniyar nwowi mi kira saiir iniggin yokwoni wa winaowid. Mi iikamim naingwo tibmiyyim wi saiir kigriraowi. **10** Sima bidiya kigim saiir siyiuin, saeya iga hinda tinda bi nokwowika. Mi saeya yinar mi whinmiminaeika. Mi saiir kwoinaргar mi prii naingwo hauu aeika. Mi iikamim naingwo tibmiyyim big nasmirwaiya simiir nwokai wini mi nae minim iikamim om whiranim simiir hauu aeiki mi iikamim hikak nwoim saeya simiir mi kigriraowi mi saeya mii miyyik simiir mi mirii mi ta wig hiriinana saiir iniggin kira yokwoni wa winki.

**11** Mi kira wig wismii niingga simiir inigim yokwo wara kipi win. Dimusi rani, simiir kwoinim kam nwowam swoki aingwomi. Mi sima wi Krais siir siyiu iiir haigingigi digiwa. **12** Mi ta biiya sima nikiombointibmiigya Krais saika, sima saiir haiburgigi. Mi iikam nhirim sima wi yaiiga saiir mi iniawi. **13** Mi siyiu whirin wi sima mi tiri hiniiingin sima iki omakam sim sibii idwodwokaiyami mi sima wi maeyau maeyauwim, sim nidwo ninkimikna amtibi. Mi tiki hiriinan yai bibiyeyim yim wi iikamim simiir whwonkam ida kipi boin. Mi sima miiimin bi miriigim hinda whisariiyar priiyapmamairi. **14** Kariir kwoinin ha naingwomi, wig wismii niingga sima ha ti swoki onkwona. Mi sima yinisim naokainaesi mi wig sima wi simiir mii imiirar nwoki kigriraowim. Mi iikamim io krimiir

nwowiyim mi nae whwokwoka krimaka nae karam nwowiyim sima wi yai bibiyie krimiir kinaopitkaigai boin tani. Niingaka. <sup>15</sup> Kira dinokninkin, ti hiriinan wig wismii niingga nhirim, sima Adi Komii siir siyiu miiyik siir bidi haiburgigim mi ini Setan siir siyiu iir yapnamim. Mi iikamim sima simiirin asi nigbumbukim. Sima siyiu miiyik tiriiki waeyao. <sup>16</sup> Mi wig wismii niingga simiir piugana, saiir hiran iikam nhirim naingwo tibmii mi simiirin simar kigrirao. Mi ti wig wismiiya mi ta saiir hiriinan hika, ya Adi Komii siir omakan iikamim simiir kipi hauu. Mi ti wig wismii niingga nhirim ad pomou karamim, simiirin Adi Komii siir omakan iikamim simar kigrirao. Iriig.

<sup>17</sup> Mi inkam adiyaowaeyim siyiu komii kigriraowiyim, sima mii miyyik miyyik sibgu mirii. Mi yaimin simiir boinmimauuwi mi simiir nowimwarkaiyiwi mi sima simiirin sibgu kigrirao. Mi simiir umirin wi kourig dii. <sup>18</sup> Yokwo Komii saeya hinina boinka, kira bulumakau siir yaiya saiir kougripikou, witin siya nokwo namnadgiyim simiir naesiyin. Mi ini hiriinankinar ywowin, inkamin mii miriiyin, siya wi whisarii pi mireensi, siya digworaekwower timi hai. <sup>19</sup> Mi inkam nwirki inkam adiyaowaeyim siyiu komii kigriraowiyim yai simiir boin hiuriyugi mi kima wi siir yai aiir kipi wakae. Niingaka. Mi nwis nwoima nwokiswo, sima wara boinkiswo aeya nik rani. <sup>20</sup> Mi inkam adiyaowaeyim siyiu komii kigriraowiyim sima siyiu biyie tirkin mi kira simiirin iikam whiekakim simiir whwonkam ida dikmiininkinhaiginiu. Mi

iikamim naingwo tibmiiyim, sima wi nwoki wakae ninkiounakiyim.

**21** Mi Adi Komii siir whwonkam ida mi Krais Jisis mi Adi Komii siir paekwosim ieya ti digworaek-wowim yokwoni kara win hauugiyim kiriiram, kara igaokak nwokikin. Kira ti digworaekwowim simiir sibgu donkworinu kripkai mi wadieyin nhirmiyarar kipi nwo mi nhirim simiirin io whwonkam kipi kao. Niingga. Kira simiirin wadie kinar dwo. **22** Mi kira inkamin Adi Komii siir mii mriiyamin, siirin aisiima kipi nikti okmwini okwo haiginiu sasau. Mi kira inkamin dimin biyiekakin siir nokmwini okwowi mi sima wi hiriyyar naingwowi, ni kira iriipi hiriinankakin. Mi kirasiyar kigriraona mi kira piu rirmiya nwoki owi.

**23** Kira op niingga kipi kwiyae. Niingga. Kira op wain haimii wara kwiyae, ta kiriir mai mhii tir nwokaiya saiir digiyim.

**24** Mi iikam nhirim simiir dimin biyieyim idowiya nwowim, yim kira simiirin ina kig ninokninkinim mi kira wi simiir boiniyopnatkaigi. Mi nhirim simiir dimin biyieyim idowiya nwo karam nwowim, mhoiyya sima wi idowiya nwo iuguski. **25** Mi hirii hiriinan kinar tani, iikam nhirim simiir siyi miiyikin, yio wi idowiyyar mi owi. Mi kira wa kig ninokninkini mi nhirim idowiya nwo karam nwowim mhoiyya wi idowiyya nwo iuguski. Iriig.

## 6

*Ta yaiya mii niingga priimiriyyim kamim simiirga*

<sup>1</sup> Mi kamim whisarii mii priimiriyyim, sima simiir biiyan inkamin simiir mii kigriraowiyin, siir yai aiirara sibgu wakaeyokna mi sima siir inig iir hainan. Mi sima hiriinan tiri mi iikam whiekakim sima wi kriniir boinikikasna rani, ta Adi Komii siir yaiya krima boin boinmimauuwa. <sup>2</sup> Mi kamim whisarii mii prii miriyyim sima ha kigi, simiir biiyan inkamin simiir kigriraowiyin siya naingwo tibmii mi sima wi hiriayar naingwawi siya kriniir nomiiyaugin. Mi sima wi ha kipi naingwo siirin wi sima ninkin idwowi. Niingaka. Simiir kwoin in mii aiirama hiririukikin. Mi ta miiya sima miriyya siir, saeya wi hiriya namyokiyokii. Dimusi rani, siya ini simiir naingwo tibmiiyan inkam nomiiyau nwir ywowin. Iriig.

*Inkamim niksiseae owomwarkaiyiuwiyim mi dimin mwoni haii akani yaiga*

Timoti kira simiirin hiri hiriayar sibobo iniu haiginiu ti digworaekwo whiekakim simiirin. <sup>3</sup> Inkamin ti Biyan Inkam Komii Jisis Krais siir yaimwowa yaewan saiir kindiyiuwangigi mi siir kwoin arar priinaingwo boini. <sup>4</sup> Mi ti inkamin siya pi nantamyiryirkin, siya ninokninkin simkak nwo rani. Niingaka. Siir kwoin hindarakinswo ounaeikin, diminsimkar windi pi siyar nini hopswa iuwi mi sima pi saiirsiyar nhinaig in okwowi. Mi iikam whiekakim sima asi ninkininini mi sima yaiya asi mi ninii nansaonanaei. Mi iikam nhirmi asi mi yaswaiyiui mi iikam nhirim asi mi priiboin hiriyiuwi. <sup>5</sup> Mi kripiinanii asi kigi mi tiki hiriinan iikam simiir kwoin in habwowhaeni kwoinan ywowim mi sima ti hiriinan digworaekwo biyieyim simiir asi

tırkiyami. Mi sima ta yaimwowa saiirin aru asi nwokim. Sim kwoinim hiniina naingwokim, wou nikwo aeni siyiun siyaırgın digworaekwo hoımgak haiwiniyin mhoiiya.

<sup>6</sup> Ihi, inkamın Adi Komii siir siyu iiir napiyin mi siir kwoinin ha naingwomi, kara digworaekwokaki mi iuwi yio ini mi owin, siya maırgımaırga ti hiriinan siyu iiiramar timi o. Siya inkamın digworaekwo hoımgakak nwowiyin ini siir hiriinan ywowin. <sup>7</sup> Mi iiya apu saeya naokainakiyım krımiirin, krıma dimınsım whir swoki hainananini rani. Niıngaka. Mi iiya krıma mi ao nami wi ıriipi hiriinan, niıngar mi haıngikaigi. <sup>8</sup> Mi krıma yius nae minkaki niuwi mi wi idib idib haiyam kipi swoki aıngwo. Niıngaka. Ti hiriinanım ini digar mi owim. <sup>9</sup> Mi iikamim umır digworaekwo hoımgak haiyam naingwokwonanaeyim mi simiirin wi Setan siya nanmaiwarkainaei mi sima digworaekwom simiir kınsiis haiginiu karam nwowiyim wi simiiram kigmairi. Mi tiki hiriinan iikamim wi sima nonkwobumbu nınnkin haiginiuwi. <sup>10</sup> Mi iikam nhırim umıram naingwokwonanaeyim mi ti hiriinan siyiun siyaırgın dimin biyie tıriyin. Mi ti siyu hiriinanın siya kiyaigin mi sima Adi Komii siir siyu iiir asi nonkwo ıuguskikim. Mi sima, sima sima asi nonkwobumbu nınnkinakim. Mi simiir kwoinim ini hinda haigiyıskakiyim. Iriig.

*Kımiir naıngwo tıbmıiya saiirin sibgu  
donkworinu krıpkai*

<sup>11</sup> Mi kira ini Adi Komii siir inkam ywowin. Mi kira ti hiriinan diminın siirin digumii haigingig.

Mi kiriir kwoinın siyu miiyiki miiyik tiri siyuın siргisiiramar daingwo hirirukripkai mi iga hinda tında kipi nokwo. Mi kwoinın simiiramar daingwo irkak mi simiiramar daingwokwonanae. Mi kira iikam whiekakim simiiramar daingwokwo mi kira sibgu dokworinu mi kira inkam miuunan dwo.

**12** Mi kira kwoinbudin omwai waiyayokiyokiyyin siir haiyam naingwowi mi kira inkamin ig ninkininin iwitiyyin bii niwit okwowam mi siir hiriinan ti o ig ti wiriiyik mi Adi Komii siya kiriirin wipi hauuwi. Biya Adi Komii siya kiriirin hiriinanam nikiunakin ti kwoinbudin omwai waiyayokiyokiyyin siirim, kira boinmimauuwa kiriir naingwo tibmiiya saiir, iikam whiekakim simiir whwonkam ida. **13** Mi digworaekwo whiekakim simiirin kwoinbudin omwai waiyaiyyin Adi Komii siyar hauugim. Mi siir whwonkam ida mi Krais Jisis siya, inkamin siir naingwo tibmii aiir boinmauuwin Pontias Pailatni whwonkam ida mi sowiir whwonkam ida, kara ta yaiya kiriirin igaokak asi nwokikin. **14** Kira wi mintaraao Adi Komii siir yaiyim igaokak siya nwokiyim kira simiir ti wakaeyok kigna diriraerar. Mi kira wi kipi swoki itapyokmimin. Mi kiriirin wi inkam nwirki kipi boin huriyi, wi hiriya damyokiyokii. Mi wi Jisis Krais siyar nwoki imbini kakim. **15** Adi Komii siya bidi yimbinin iiya idowiya siya nimbiniana mi siya wa nimbiyami. Adi Komii siyaиргин inkamin maиргимаиргаеиyyin. Mi siyaиргин digworaekwo whiekakim sim kigirkakaiyyin. Mi siyaиргин biiki biya whiuwinun nu kigriraowiyim inkam komii komiiyim simiir biiyin ini siyar swoki owin. **16** Mi siyarin wi swoki ao

rani. Niñgaka. Wi hiriyyar nwoyokiyokiikaeyami iinokiiinokin. Mi maeyaua siya nwowiya hir niuyaesi paeya ya ini kirie ywowaowa mi iikam wi saiir kingiin napkinmasu rani. Mi siirin inkam nwirki bi kigsrankin biiya mi tariinan. Niñgaka. Siyaırıgin digworaekwo whiekakim sim kigirkakiyin iinokiiinok. Mi siir inig iiirin ha timi hainan mi siirin ha timi boin maırgımaırga haiginju iinokiiinokin. Iriig.

**17** Kima kamim nu tıran digworaekwo hoımgakakim simiir boin, sima wi simamar kipi naıngwona. Mi sima digworaekwo whiekakim nu tıranım sıbgu o kripkai karam nwowiyim simiiram kipi nikpitkii. Mi sima Adi Komii siaramar dikpitkii kripkai, siyaırıgin digworaekwo hoımgakakim piu nhıinmi kiniyim iinokiiinok sim hauuwyim. **18** Kamim digworaekwo hoımgakakim simiir boin, sima mii miyyık miyyık imiirar sıbgu mırıi. Mi sima digworaekwo nhırim hindara priihauu inkam nhırim simiirin. **19** Mi sima hiriinan tıri mi simiiramın wi digworaekwo miyyık miyyık kasa haıngiriyu haigin tani ninomor kou hirin, wi Adi Komii siya hauuwi mi wi sima nwoki haiyim kwoınbudın omwai waiyayokiyokiyin. Iriig.

**20** Timoti, ta miiya Adi Komii siya hauuwa kiriir, kira saiirin sıbgu kigrirao. Mi kira yaiya hindara nıñkin wamwarkii boınıya aru saiirsi dwo. Mi iikam nhırim yım ha mi aıngwowi, ya ninokninkin miyyık hauu haiginjuwika. Niñgaka. Yapı niksisaei. **21** Mi iikam nhırim yım ina nonkworinu kripkaiyim ta yai niksisae aiirin mi sima naıngwo tıbmiiya Adi Komii siirim, sima

saiir b̄i swok̄i tisiryis̄kaigim. Niingaka. Mi kariir kwoin̄in ha naingwowi Adi Komii kr̄imiir Wanin̄ siir naingwobumbu m̄iyika wi k̄imaka nwoki owim. Iriig. Kariir yaiya ini dig ywokiya.

**Yai Win Kibiya  
The New Testament in the Sepik Iwam Language of  
Papua New Guinea  
Nupela Testamen long tokples Sepik Iwam long  
Niugini**

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 11 Nov 2022 from source files dated 9 Oct 2020

5350dc83-93b2-5000-9c98-dcdb728ba84f